



Naaja Nathanielsen  
/MAANI

**Pisiniartarnermut politikki pillugu § 37 malillugu apeqqutitut akissutit**

Asasara Naaja Nathanielsen

Qujanaq apeqqutinnut, matumuuna akissuteqarfigineqartunut.

**Naalakkersuisut ilimagaat niuerniarnissamut periusissat 2012 naalernerani naammassineqassasut? Kommunillu soqutiginnillutik suleqataanissaminnut nalunaarutiginnippat?**

AKISSUT: Naalakkersuisut siunnerfiguarsinnarpaat pisiniartarnermut periusissat ukioq 2012-ip naanerani suliarineqareersimanissaat. Tassunga atatillugu sulisuteqatigiillernissaq pillugu kommunit oqaloqatigineqanngillat.

18-07-2012  
Sags nr. 2011-057934  
Dok. nr. 965783

P. O. Box 1037  
3900 Nuuk  
Tel. (+299) 34 50 00  
Fax (+299) 34 63 50  
E-mail: oed@nanoq.gl  
www.nanoq.gl

**Nalunaarusiami erseqqissaassutigineqarpoq Namminersorlutik Oqartussat 2774-inik assigiinngitsunik pisiniartarfeqarmata, taamaakkaluartorli maluginiagassaavoq soorlulusooq taakkunannga arfineq marluinnaat uani nalunaarusiami apersoneqarsimasut. Pisiniarfigineqartut Namminersorlutik Oqartussat saaffiginnissutaannut akissuteqarsimannngitsut-uku? Imaluunniit pisiniarfigisartakkat taakku arfineq-marluk kisiisa toqqarneqarsimasut? Taamaassimappallu suut tunngavigalugit taakku pisiniarfigisartakkat toqqarneqarsimappat?**

AKISSUT: Apeqqutit akisilluni immersuiffissaq atorlugu misissuinermit atatillugu pisiniartarnermut immikkoortortaqaarfiup Kalaallit Nunaanni Sulisitsisut Peqatigiiffiat aamma NUSUKA attaveqarfigaat apeqqutit akisilluni immersuiffissat ilaasortaasa amerlanersaannut anngunnissaat qulakkeerniarlugu.

Kalaallit Nunaanni Sulisitsisut Peqatigiiffiat aamma NUSUKA qinnuigineqarput tamarmik ilaasortaminnut qulinut innersuussuteqaqqullugit, apeqqutit akisilluni immersuiffissat nassiunneqarfigisinnaasaannik

Taamaalluni sulisitsisut kattuffiisa ilaasortaminnek toqqartuinerat aallaavigalugu apeqqutit akisilluni immersuiffissat nassiussuunneqarput.

Ajuusaarnaraluartumik apeqqutit akisilluni immersuiffissat arfineq marluinnarnit akissuteqarfigineqarput.

**Naalakkersuisut tunuarsimaarfigaat inatsisiliornissartik, taamaakkaluartorli neqeroorteqarnermi maalaarnissamik periarfissiisoqarnissaa ammaffigineqarpa?**

AKISSUT: Naalackersuisut pisiniartarnermut periusissat suliarineqarnerannut atatillugu neqerooruteqarnermut atatillugu naammagittaalliortarfeqalernissaanut periarfissaqarnerseq naliliivigissavaat.

**Inatsisit naapertorlugit ingerlatsinerua Namminersorlutik Oqartussat neqerooruteqarnissami paasissutissat danskit oqaasii atorlugit nassiunneqarnissaat piumasarippassuk?**

AKISSUT: Pisortat ingerlatsineranni suliassat suliarineqartarnerat pillugu Inatsisartut inatsisaat nr. 8, 13. juni 1994-imeersoq malillugu innuttaasoq nammineq kissaateqarnini malillugu danskisut kalaallisulluunniit sullinneqarsinnaavoq. Tamatuma kinguneraa neqerooruteqartut atortorisaminnik neqerooruteqarnermut atortorisani oqaasertaliussat apeqqutaatinnagit kalaallisut tunniussiniarlutik piumasaqaateqarsinnaanerat. Siunissami oqaatsinik ataasiinnarnik atuisarneq pillugu piumasaqaateqartoqartarunnaartussaavoq.

***Naalackersuinikkut suut eqqarsaatit atornerqakkajuppat niuernialernermi, ingammik eqqarsaatigalugu soorlu akit akikinnerpaajunngikkaluartut kisiannili inuiaqatigiinnut iluaqutaanerpaajusut tikinniarlugit pisiniaraanni?***

AKISSUT: Pisiniartarneq pillugu nassuiaammi taaneqartutut taamatut inissisimaneq isumaqarpoq Namminersorlutik Oqartussat pisiniartarnermut politikimi inuiaqatigiinnut tunngatillugu tamatigoortunik nalilersuisassasut sianiginiagaqarlutillu. Tamakku anguneqassappata pisiniartarnermut periusissat piviusut, aningaasaqarneq, CSR allallu ilanngullugit, suliarineqarnerat siuarsarneqartariaqarpoq, taamaalilluni pisiniartarnermut politikki paasiuminartuuniassammat inuiaqatigiillu aningaasaqarnerat tamarmiusoq tapersorsorneqarluni.

Inussiarnersumik inuulluaqqsillunga

  
Maliina Abelsen